



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04) i člana 4. Pravilnika o kriterijima i raspodjeli novčanih sredstava za sufinansiranje troškova vantjelesne oplodnje i za jednokratnu novčanu pomoć za rođenje djeteta broj: 09/B-11-1350/24 od 19.03.2024. godine, Općinski načelnik objavljuje:

JAVNI POZIV

za dodjelu novčanih sredstava za sufinansiranje troškova vantjelesne oplodnje i za jednokratnu novčanu pomoć za rođenje djeteta

1. PREDMET JAVNOG POZIVA

Predmet ovog Javnog poziva je dodjela novčanih sredstava za ostvarivanje prava na sufinansiranje troškova vantjelesne oplodnje, prava na jednokratnu novčanu pomoć za rođenje djeteta i prava na jednokratnu novčanu pomoć za očeve koji koriste pravo na porodijsko odsustvo.

2. FINANSIJSKA SREDSTVA

Sredstva za dodjelu jednokratne pomoći su predviđena Budžetom Općine Centar Sarajevo za 2024. godinu i raspoređivat će se u skladu sa Pravilnikom o kriterijima i raspodjeli novčanih sredstava za sufinansiranje troškova vantjelesne oplodnje i za jednokratnu novčanu pomoć za rođenje djeteta broj: 09/B-11-1350/24 od 19.03.2024. godine.

3. UVJETI ZA OSTVARIVANJE PRAVA NA NOVČANU POMOĆ

Uvjeti za ostvarivanje prava na jednokratnu novčanu pomoć za sufinansiranje troškova vantjelesne oplodnje su:

- Da je podnosilac zahtjeva u bračnoj zajednici prije početka postupka vantjelesne oplodnje ili u vanbračnoj zajednici u trajanju od najmanje tri godine prije početka postupka vantjelesne oplodnje;
- Da je prebivalište jednog od bračnih/vanbračnih drugova na području općine Centar Sarajevo najmanje godinu dana prije podnošenja zahtjeva za ostvarivanje prava;
- Da podnosilac zahtjeva ima preporuku zdravstvene ustanove koja se bavi medicinski potpomognutom oplodnjom;
- Da žena nije navršila 42 godine života;
- Da postupak vantjelesne oplodnje za koji se traži sufinansiranje nije okončan;
- Da bračni/vanbračni par koji podnosi zahtjev za ostvarivanje prava na sufinansiranje postupka vantjelesne oplodnje ne može ostvariti /nije ostvario pravo na finansiranje/sufinansiranje istog putem Zavoda zdravstvenog osiguranja i reosiguranja Federacije Bosne i Hercegovine.

Uvjeti za ostvarivanje prava na jednokratnu novčanu pomoć za rođenje djeteta su:

- Da porodilja ili otac djeteta imaju najmanje godinu dana prebivališta na području općine Centar Sarajevo;
- Ukoliko jedan od roditelja nema prebivalište na području općine Centar Sarajevo da pravo na jednokratnu novčanu pomoć za rođenje djeteta nije ostvario na području općine svog prebivališta;
- Da je zahtjev za ostvarivanje prava podnesen u roku od 60 dana od dana rođenja djeteta.

Uvjeti za ostvarivanje prava na jednokratnu novčanu pomoć za očeve koji koriste pravo na porodijsko odsustvo su:

- a) Da otac djeteta ima prebivalište na području općine Centar Sarajevo;
- b) Da je otac djeteta otvorio porodijsko odsustvo;
- c) Da je zahtjev podnesen u roku od 60 dana od dana otvaranja porodijskog odsustva.

4. POTREBNA DOKUMENTACIJE

Podnosioci zahtjeva za dodjelu jednokratne novčane po ovom Javnom pozivu dužni su dostaviti sljedeću dokumentaciju:

a) Za jednokratnu novčanu pomoć za rođenje djeteta:

- uvjerenje o kretanju za roditelja koji dokazuje godinu dana prebivališta na području općine Centar Sarajevo a za drugog roditelja prijava mjesta prebivališta;
- izvod/i iz matične knjige rođenih za novorođeno dijete i ostalu djecu;
- dokaz da jedan od roditelja nije istu vrstu prava ostvario na području općine svog prebivališta (ukoliko to nije područje općine Centar Sarajevo)
- tekući račun podnosioca zahtjeva.

b) Za sufinansiranje troškova vantjelesne oplodnje:

- uvjerenje o kretanju za bračnog/vanbračnog druga koji dokazuje trajanje prebivališta od najmanje godinu dana na području općine Centar Sarajevo dok je za drugog bračnog/vanbračnog druga potrebno dostaviti prijavu prebivališta ;
- kućna lista;
- izvod iz matične knjige vjenčanih;
- izjava o vanbračnoj zajednici (ukoliko nije sklopljen brak);
- preporuka nadležne zdravstvene ustanove za postupak vantjelesne oplodnje;
- predračun troškova vantjelesne oplodnje na kojem je navedeno koji je postupak vantjelesne oplodnje po redu;
- uvjerenje ili drugi odgovarajući dokaz da bračni/vanbračni par koji podnosi zahtjev za ostvarivanje prava na sufinansiranje postupka vantjelesne oplodnje ne može ostvariti /nije ostvario pravo na finansiranje/sufinansiranje istog putem Zavoda zdravstvenog osiguranja i reosiguranja Federacije Bosne i Hercegovine;
- tekući račun podnosioca zahtjeva (ukoliko se postupak obavlja na klinici van BiH).

c) Za jednokratnu novčanu pomoć za očeve:

- Prijava mjesta prebivališta na području općine Centar Sarajevo;
- Dokaz o otvorenom porodijskom odsustvu od strane oca djeteta;
- Tekući račun podnosioca zahtjeva.

5. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Zahtjev sa potrebnom dokumentacijom se podnosi Službi za boračko-invalidsku i socijalnu zaštitu -Odsjek za socijalnu zaštitu poštom preporučeno ili putem Protokola Općine Centar Sarajevo, Mis Irbina 1.

Zahtjevi će se rješavati po redoslijedu podnošenja.

Služba je dužna u roku od 60 dana od dana podnošenja riješiti zahtjev i o tome obavijestiti podnosioca.

Dodatne informacije se mogu dobiti na broj telefona: 033/562-456

NAPOMENA: Korisnici koji ostvare pravo po ovom Javnom pozivu, dužni su dodijeljena budžetska sredstva pravdati na način koji će biti utvrđen zaključkom Općinskog načelnika.

